

空同詩集

空同詩集

空同詩集卷之二十

韓文明北郡李夢陽撰

五言律

郊觀齋居東邊喬二太常

郊壇值雪

西天門候祀

恭陪郊祀紀成

郊祀以病不與

臥病酬邊君天壇步月見懷之作

大行皇帝挽詩三首

候輓

望泰陵

謁孔廟

益王頌

壇祀酒會

刻碑 右次大禮一十四首

驪山皇帝御詩三首 橋山

瓠子 朱遷鎮廟

朱遷鎮廟 峴山

鹿門山 冬日仁和門外二首

令婆墳 始謁徐祠

徐墓書張相國碑銘

陳祠在徐墓東 韓文公祠

武陵郡公祠 徐蘇二祠

鵝湖書院

東隱

式日土式書二首

十日右次懷古一十七首

張氏又

九日黃花鎮

西見詩

九日應變齋居

九日慈恩寺閣二首

如寅示又

生日寫懷

南東

十二月十日

臘日退朝口號

南東示又二首

七月十五月食不見追往有歎

張氏又

月食

南東示又二首

元日沐上雪霽

清明河上寓樓獨酌

春日漫成

庚午除日

辛未元日

中秋南康

廬山九日

上元滕閣登宴二首

九日薛樓會集二首

清明曲江亭閣

端午贛州晚發

南康除夕

南康元夕二首

元夕風起南康

乙亥立秋

中秋二首

戊寅元夕

中秋喜客攜酒見訪

十月月食不見

己卯元夕

庚辰清明東郭

九日上方寺二首

至日夜雪

癸未中秋不月

乙酉上元上方寺

丁亥立秋

中秋亭會

戊子元夕

己丑五日

五日莊上集

明遠樓春望

宜春臺春望

謝巖秋日始集

秋望

古城春望

東陂秋泛三首

春晴野寺和李大

城南夏望和王相國

春日臺寺

春日漫成

春宴二首

疊前韻二首

丙戌中秋召客賞之以雨多不至者

丙戌十六夜月

右次時序六十二首

五言律一

大禮

郊觀齋居東邊喬二太常

人日過仙院春霞繚繚分碧回
瑤澤草紅綻藥宮雲獨處
依松樹清齋對鶴羣
桃源知並入惆悵不逢君

郊壇值雪

鳳輦連宵發鷄鳴雪滿畿嚴隨黃鉞至清繞翠華飛伏謁

深沾珮朝回半濕衣懸知清切地冲默迓天威

西天門候祀

瑤壇暮雪盡月出禁門西地靜鳴珂碎沙寒簇仗低臺官
移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落墀月起微風上帝
居歆夕文王陟降中諸壇嚴從幕元祀報成功侑食珪璋
潔登歌玉磬同神旋仍醉飽萬舞向春空

郊祀以病不與

端月溫風至圓丘瑞霧多開壇洽百禮伏枕想登歌日月

春旂閃雷霆晝輦過年年覲上帝只爲乞民和

臥病酬邊君天壇步月見懷之作

霽夕開芳甸祠官悵獨遊銀潢橫殿落璧月抱壇流漢時
饒烟霧秦城逼斗牛甘泉詞調絕疲病若爲酬

大行皇帝挽詩

弘治十八年五月

午門朝遂罷西殿臨真哀淚滿乾坤暮日黃風雨來虎賁
猶宿衛龍馭幾時迴莫測皇天意中崩帝業摧

其二

大訓文華踐英謀武範遺先朝無顧命大漸問班師上食
金輿備移宮素幔垂向來激切疏優渥小臣知

其三

元老炯仍在退朝無昔呼閒階惟玉輅夕日已金鋪望幸
霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松柏已新宮象衛
悲風入龍旂白霧中有髯渾欲挽雲墮鼎湖弓

望泰陵

昔臨園西內悲風入紫冥今來松柏望斜日泰陵青殿起
雲烟入龍遊劒璽局萬國今多難孤臣涕倍零

謁孔廟

端笏陪朝列時禋謁聖林戟門留石鼓春殿靜珠琴奎府
星連切璧池龍躍深詵詵趨國子早晚翠華臨

益王頌

憲宗王十子益府實稱賢體統朝廷半敦崇德業全書堂
斜晝日琴殿淨秋煙問寢還英嗣時研世子篇

壇祀酒會

齋居新宴合桂裏戟門開鴈趁龍旌到蛩喧羯鼓催松筠
分曙色劒珮接行杯日上雲霞散驂驪羽騎迴

懷古

驪山

繡嶺花仍繡湯泉滿故宮禁池人自浴新月古應同玉殿
興亡後青山涕淚中千巖歌吹入猶想翠華東

橋山

青宮棲古岑白露靜松林忽下烏號淚遙悲龍去深衣冠
萬國後轍迹四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭没年多虎戰
仍三晉龍遊失九河宋人饒事蹟今望亦滂沱

朱遷鎮

水店回岡抱春湍滾白沙戰場猶傍柳遺廟只棲鴉萬古

關河淚孤村日暮笳向來戎馬志辛苦爲中華

朱遷鎮廟

宋墓莽岑寂岳宮今在茲風霜留檜柏陰雨見旌旗百戰
回戈地中原左衽時土人嚴伏臘偏護向南枝

峴山

大名終不滅墮淚此山碑後進才非乏風流爾足師古堂
陰漢水新路改城池回首隆中接秋雲兩處垂

鹿門山

龐公眞漢隴孟子復唐詩舊宅新秋葉孤墳千載遺泉裊
石穴細葛倚松門垂望望青峰近吾襟曠爾期

同王炯

寂寞何王殿遺墳此徑孤玉階番雪草野日自金鋪廡暝
牛羊聚林風鳥雀呼白頭香火者猶護赤龍符

其二

二塚纍纍接聊城復定安

二王世絕

情哀宮獨盛世異柏同殘

久雨石門塌新霜帷殿寒西陵時節望誰見綺羅歎

令婆墳

國初掄秀姬分遣入周宮但覩上墳鬱甯知乳哺同後王
忘昔日頽屋鎖春風寒食鶯啼切林花落自紅

始謁徐祠

予問何不用木主守者曰有像則人起敬

廟古傍湖偏春行更可憐楚城芳草徧紅日此堂懸榻想
陳公後時悲孝獻前亦知遺像誤瞻拜淚油然

徐墓書張相國碑銘

不讀南州傳誰知高士心江城遺塚在春日古祠深竹鳥
嚶嚶合松牆靡靡陰曲江千載碣書罷淚盈襟

陳祠在徐墓東

可訝司徒廟偏隣孺子墳哲人堪一哭漢鼎竟三分門引
江畔草榻留松上雲紛紛車馬客誰此薦清芬

韓文公祠

袁州山在城韓廟倚山清冕服前朝貌文章百代名石苔

猶馬路春竹白鶯聲立望潮陽近翻翻海氣征

武陽郡公祠

惠愛前人蹟追思後代心洪都觀察廟香火古江潯白日
江上過青松霜露深亦知精爽異應厭鼓鼙音

徐蘇二祠

孺子真高特雲卿岨後先揮鋤傲漢冕拊屨臥江烟甯飫
糟糠畢耻同貪濁全淒涼百代字悵望一潸然

鵝湖書院

書院佛堂邊頽垣嶺谷連四時僧洒掃千古儼高賢立壁
東萊毅懸河子靜偏眾流終一海流淚考亭前